



17. november 2008

Inatsisartut Suleriaasianni § 36, imm. 1 naapertorlugu matumuuna Naalakkersuisunut ataani allassimasunik apeqquteqarniarpunga:

**Utaqqisunut allattuiffiit assigiinngitsut kiisalu peqqinnissamut sillimmasertittarneq pillugu Naalakkersuisunut apeqquteqaatit**

(Inatsisartunut ilaaasortaq Jørgen-Ole Nyboe Nielsen, Demokraatit)

**Tunnqavilersuut**

Kissaatigaara nalunaarutigineqassasoq maannakkorpiaq seeqqulersinnissamut qanoq sivilutigisumik utaqqisoqartarnersoq kiisalu utaqqineq tamanna ukiut tulliuuttut tallimat ingerlaneranni qanoq allannguuteqassasoq naatsorsuutigineqarnersoq.

Kissaatigaara nalunaarutigineqassasoq siffialersinnissamut qanoq sivilutigisumik utaqqisoqartarnersoq kiisalu utaqqineq tamanna ukiut tulliuuttut tallimat ingerlaneranni qanoq allannguuteqassasoq naatsorsuutigineqarnersoq.

Kissaatigaara nalunaarutigineqassasoq SANA-mi piffissap siviluup ingerlanerani napparsimanerit nukingiuttariallit taamaallaat katsorsarneqartarsimanersut, taamaalilluni assersuutigalugu nakkartitsinerit, taqqamik milittoornerit assigisaasalu misissorneqarnissaannut suliarineqarnissaannullu pilersaarutit unitsivissorneqarlutik.

Taamaattoqarsimappat taava kissaatigaara nalunaarutigineqassasoq misissuinerit pilatsinnissamillu pilersarusiorneqarsimasut qaqugu nangeqqinneqarumaarnersut, taamatullu piumasaraara naliliisoqassasoq, suliasat taamatut qaleriiaaginnarneqarsimasut ikilisinneqarnissaat qaqugu naatsorsuutigineqarnersoq aammalu assersuutigalugu soorlu nakkartitsinerit taqqanillu milittoornerit katsorsarneqarnissaannut nalinginnaasumik utaqqineq qanoq sivilutigiumaarnersoq.

Taamaattoqarsimassanngippat kissaatigaara nalunaarutigineqassasoq, assersuutigalugu soorlu nakkartitsinerit taqqanillu milittoornerit misissuinnissamut nalinginnaasumillu pilattaanissamut utaqqineq qanoq sivilutiginersoq.

**Peqqinnissamut sillimmasertittarnerit**

Peqqinnissamut sillimmasertinnerit Kalaallit Nunaanni peqqinnissaqarfik avaqqullugu katsorsartinnissamut periarfissiisut peqataaffiginerat annertusiartortillugu tamatuma kingornagut katsorsartinnissamik Kalaallit Nunaanni peqqinnissaqarfimmi inatsiseqartitaasussatut kissaatigineqartunik pisariaqartitsineq pilersinneqarpoq.

Innuttaasuni inuit taakkua, tassalu siullermik Kalaallit Nunaanni peqqinnissaqarfiup namminerisamik sillimmasertinnerannut tapersorsoriarlugit taava Kalaallit Nunaanni peqqinnissaqarfik avaqqullugu katsorsartillugit sullinneqarnissaat Naalakkersuisut qanoq kissaatigaat, tamanna aningaasaqarnikkut nammakkersuutaatinngikkaluarlugu?

Apeqquteqaatinnut akissutit tiguneqarnerminninngaanniit kingusinnerpaamik ullut suliffiusut qulit qaangiunneranni akineqarnissaat piumasaraara.



**DEMOKRAATIT**  
DEMOKRATERNE